

JETS'NOJT'AAN P'ÉEEL: 242

TU'UX KU JELBESA'AL JEJELÁAS BEELBEST'AANO'OB TI'  
A'ALMAJT'AAN TI' MÁAX LOOBILTA'ANO'OB TI' U PÉETLU'UMIL QUINTANA ROO,  
TU'UX KU JELBESA'AL YÉETEL U LÁAK' JEJELÁAS BELBEST'AANO'OB  
TI' U A'ALMAJ T'AAN MOLAYIL TÁANKAAJ ÁANTAJIL TI' U  
PÉETLU'UMIL QUINTANA ROO, TIO'OLAL A'ALMAJ T'AAN  
ÁANTAJIL TI' MÁASEWAL MÁAKO'OB.

LE TOJTSIKBE'ENIL XVI JATSK'IINMEYAJIL A'ALMAJ T'AAN NOJ  
A'ALMAJT'AAN TI' JÁALK'AJIL YÉETEL TSIKBE'ENIL T'I' U PÉETLU'UMIL  
QUINTANA ROO.

JETS'NOJT'AAN:

**YÁAX:** KU JELBESA'AL LE ARTÍCULO' 126 YÉETEL LE YÁAX YÉETEL LE  
KA'AP'ÉEL XOOT'TS'ÍIB TI' MÁAX LOOBILTA'ANO'OB TI' U PÉETLU'UMIL  
QUINTANA ROO, TIA'AL U P'ÁATAL BEYA':

U 126. Jatsts'íibil. Le áantajil a'almajt'aan péetlu'umil, yaan u yaantal juntúul jo'ol Molayil, j- áantajnáalo'ob a'almaj t'aano'ob, peritos, aj-tsool t'aano'ob, aj-k'ext'aano'ob, yéetel j-Na'at t'aan máako'ob, ti' tuláakal k'aj óolaalil le k'a'ana'ano'ob utia'al áantaj ti' u páajtalil ti' máax loobila'ano'ob. Yaan u yaantal yéetel kúuchil tsolmeyajil le k'a'ana'an ti'a'al u meyajil ba'ax ku beetik, Je'el bix u jets'ik le belbest'aano'.

U 134 Jatsts'íibil. Le máax loobilta'ano' yaan u páajtalil u ts'áajik juntúul j-áantajnáal a'almaj t'aanil Péetlu'um. Lelo' yaan u yéeyik yéetel jáalk'abil líik'ul u k'áatik ka oksa'ak ti' u kúuchilil tu'ux ku ts'íibta'al Péetlu'um. Tia'al lela' le Noj jala'achil Molay Péetlu'um yaan u ts'áaikti' juntúul áantajnáalil yéetel u kúuchilil Áantajil A'almaj t'aanil Péetlu'um, beyxan juntúul wáa j-k'ext'aano'ob wáa le maax loobila'an, wa ma' tu na'atik káastlan t'aan wáa yaayaj óolal kóok, ma' t'aan wáa ch'óop.

Le máax loobilta'ano' yaan u páajtalil ti' ka'a táakpajak u yáantajnáal péetlu'um ti' tuláakal ba'alo'ob ku yúuchul yéetel je'el u béeytal u yaantal ti' juntúul aj- tsool t'aan wa aj-k'ex t'aan le ken k'a'abetchajak.

1. ti' le v. ...

**KA'A JAATS:** KU JELBESA'AL LE 1, JATSTS'ÍIBIL, LE JATSABO'OB X, XI, YÉEDEL XII. TI' LE JATSTS'ÍIBIL 3, LE JATSABO'OB X, XI, XII YÉEDEL XIII TI' LE JATSTS'ÍIBIL 4 YÉEDEL LE JATSABO'OB XII YÉEDEL XIII TI' LE JATSTS'ÍIBIL 5; YÉEDEL KU TS'A'ABAL LE JATSABIL XIII TI' LE JATSTS'ÍIBIL 3, LE JATSABIL XIV TI' LE JATSTS'ÍIBIL 4, LE JATSABIL XIV TI JATSTS'ÍIBIL 5, LE KA'A P'ÉEL XOOT'TS'ÍIB TI' LE JATS'TS'ÍIBIL 22, LE NOJ JAATSIL IV K'AABA'TA'AN “ **MOLAYIL TÁAN ÓOLTA'AL MÁASEWAL MÁAKO'OB**” YAAN TI' LE JATSTS'ÍIBILO'OB 46 B15, 46 ÓOX P'ÉEL, 46 KAN P'ÉEL YÉEDEL 46 JO'OL U TÉENO'OB, TI' LE PÉETS'EL WAK P'ÉELO' K'AABA'TA'AN “ J-ÁANTAJ WÍINIK YÉEDEL TÉCNICO”, TULÁAKAL LE A'ALMAJ T'AAN TI' U MOLAYIL TÁANKAAJ ÁANTAJIL TI' U PÉETTLU'UMIL QUINTANA ROO, TIA'AL U P'ÁATAL JE'EBIXA':

**U 1 Jatsts'íibil.** Le a'almaj t'aana' u jets' óolal kaaj yéedel tia'al u belbest'aanik u ts'aat'aanil u táankaaj áantajil xma' bo'olil ti' le ba'alo'ob péetlu'um, utia'al u kanáanta'al u páajtalilo'ob tia'al ka yaanak junp'éel ma'alob áantajil kaajnáalo'ob yóok'lal bo'olsi'ipil yéedel ka yaanak ma'alob p'iis óolal ti' le táakelemilo'ob; beyxan ka kanáanta'ak u táakpajal ti' le p'iis óolal, tsolt'aanta'al, ts'a'abal a'almaj t'aan áantajil wáa áantajnáal a'almaj t'aan ti' le ba'alo'ob yaan u yil ti' u kuxtal máak, láak'tsil, konba'albali', tsolmeeyajil, meyaj yéedel áantajil máasewalo'ob. Yéedel ba'alo'ob yaan u yil yéedel tsolmeyajil yaan u jets'a'an ti' le jatsts'íibil 34 yaan ti' le a'almajt'ána'.

Jatsts'íibil 3. ...

1. ti' le IX. ...

**X. Áantajil máasewal máako'ob.** Ti' ba'alo'ob tu'ux ku k'áata'al áantajil a'almaaj t'aan wáa áantajnáal a'almaaj t'aan méen le máasewal máako'ob le ma' tu na'atko'ob wáa u t'aanko'ob ma'alob káastlan t'aan, yaan u ts'a'abal juntúul táankaaj áantajnáal wáa áantaj a'almaajt'áan, ku t'áanik le t'aan ku t'aanal méen le máak k'áatik wáa yaan u ts'a'abalti' juntúul j –tsool t'aan wáa k'ext'aan k'aj óolta'an.

**XI. u kaxa'anta'al nu'ukbesaj ba'atelilo'ob.** Le táankaaj áantajnáalo' k'a'ana'an u táakmuk'tik u kaxa'anta'al nu'ukbesaj ba'atelilo'ob yéetel

**XII. Meyajil .** Le aj-meyajkaajo'ob yáan u ts'áajik tuláakal u yóol u kanáantik . , ya'ab muuk'il yéetel séeba'anil meyaj utia'al u belbesa'al tuláakal ba'alo'ob tia'al ma' u ch'a'abal máanal k'iinil jetst'aanil wáa ma' tu beeli', yéetel ku yil ka'a nu'ukbesajak ti' u xuul u jets'k'iino'ob jets'a'ano'ob.

**XIII. Jach ma'alobil yéetel ka'anal meyajil.** Le almeyajkaajo le ken u beetik u meyajé' yaan u beetik junp'éel ma'alob meyaj yaan u ye'esik u k'aj óol ka'anal meyajó'ob yéetel u na'atil u beetik ch'íich'bil meyaj k'abeetil ti' u béeytal u meentik u meyaj yéetel ka yaanakti' ts'áaj óolil,toj kuxtalil, k'aj óolil, ka'akajil le meyaj yéetel na'atil.

Jatsts'íibil 4. ...

1. ti' le IX. ...

**X. U Jo'olpóopil u Molayil Táan óolta'al Máasewal Máako'ob:** (Titular de la Unidad de atención a Personas indígenas) Aj-Meyajnáal táan kaajilo' ku beet u jo'olpóopil ti' u Molayil Táan óolta'al Máasewal Máako'ob ti' u Molayil Táan kaaj Áantajil;

**XI. Táankaaj áantajil.** Meyajnáal táankaaj le ku ts'aaik u Molay táankaaj áantajil yóok'lal bo'olsi'ipilil ti' u áantajil máasewal máako'ob yéetel u jach k'aj óolo'ob p'iis óolal táankelemilooob, Beyxan u áantajil tsolmeyajil je'ebix jets'a'an ti' le a'almaj t'aana'.

**XII.Aj-Áantajnáal A'almajt'áan:** Meyajnáal táan kaajil ku ts'áajik táan kaaj áantajil tia'al ka ts'a'abak tsolt'aanta'al, áantajil wáa ka ts'a'abakti' juntúul áantajnáal a'almaj t'aan, tia'al u áantaj máasewal máako'ob, ti' le u kuxtal máak, láak'tsil, konba'albali', tsolmeeyajil;

**XIII. Kúuchil peténil:** Xuulil lu'um tu'ux ku ja'atsal le Múuch'kabil jejeláas Péetlu'umo'ob, yéetel ku páajtal u bak'ik junp'éel wa ya'ab jatsaljaats P'is Óolalo'ob, ti'u lu'umil le Péetlu'umil yéetel u béeytal u táakpajlo'ob junp'éel wáa ya'ab Kúuchilo'ob P'iis Óolal, le tu'uxo'ob u páajtal beetiko'ob u meyajo'ob le Noj aj- Nu'ukbesajil yaano'ob ti' le peténo', yéetel

**XIV. Distrito :** U Distritoilo'ob P'iis Óolal jets'a'ano'ob ti' le Ley Órgánica ti' le Nojpáajtalil P'iis Óolalo'ob Péetlu'umo'ob Quintana Roo.

#### **Jatsts'íibil. 5. ...**

1. ti' le XI. ...

le Múuch'kabil jejeláas Péetlu'umo'ob

**XII. Kúuchil Petén :** Xuulil lu'um tu'ux ku ja'atsal le Múuch'kabil jejeláas P'iis Óolal Péetlu'umo'ob, yéetel ku páajtal u bak'ik junp'éel wa ya'ab Distritoso'ob P'is Óolalo'ob, ti'u lu'umil le Péetlu'umil yéetel u béeytal u táakpajlo'ob junp'éel wáa ya'ab Kúuchilo'ob P'iis Óolal, le tu'uxo'ob u páajtal beetiko'ob u meyajo'ob le Noj aj-Nu'ukbesaj yaano'ob ti' le peténo',

**XIII.** Le áantaj wíiniko' yéetel le áantaj técnico yéetel kaxan áantajil yéetel aj-áantajnáal kuxtal máak k'abeeto'ob ti' le kúuchilo'ob yaan ba'al u yilo'ob yéetel yaan u jets'ik le Múuch'kabil jejeláas P'iis Óolal Péetlu'umo'ob, je'ex bix jets'a'anil le xuupil , yéetel

**XIV. Le máak Jo'olpóopil ti' u Molayil Táan Óolta'al Máasewal Máako'ob.** (La persona Titular de la Unidad de Atención a Personas Indígenas)

...

...

**Jatsts'íibil 22. ...**

Le x- áantajnáalo'ob yéetel aj- áantajnáalo'ob táan kaaj yéetel le áantajnáalo'ob a'almajt'áano'obo' le ku bisiko'ob u áantajil máasewal máako'ob, yaan xan u chíimpoltiko'ob le ba'axo'ob jets'a'ano'ob yaan ti' le yáax xootts'íibil ti' le Jatsts'íibil, k'a'abéet yaantal ti' k'aj óolalo'ob yo'olal meyajtsil máasewal le muuk'a'an ti' le Péetlu'uma yéetel, beyxane' wáa k'abeetej ku t'aan junp'éel máasewal t'aan.

#### **Nojjatsil IV**

YO'OLAL LE MOLAYIL TÁAN ÓOITA'AL MÁASEWAL MÁAKO'OB  
(DE LA UNIDAD DE ATENCIÓN A PERSONAS INDÍGENAS)

**Jatsts'íibil 46 Bis.** U Molayil Táan óol Máasewal Máako'ob, u jo'olpóopile' k'abeet juntúul máak yaan u nu'ukbesajik u táan óolta'al yéetel u áantaj máako'ob kaajakbalo'ob ti' junp'éel máasewal kaaj le k'abeet áantaj a'almaj t'aan, je'el bix jets'a'an ti' le a'almaj t'aana'.

U Molayil Táan óola'al Máasewal Máako'ob ( la Unidad de Atención a Personas Indígenas) yaan u táan óoltik ti' tuláakal p'iis óolal wáa beelankilo'ob yaan juntúul aj-tsool t'aano'ob, aj-k'ext'aano'ob k'abeet u yilal le ba'alo'ob suuka'anti'obe' ti' le meyajtsil tu'ux kaajano'ob le máax máasewalo' utia'al u ts'a'abaj junp'éel áantaj ka'anal meyaj yéetel ma'alobil, je'el bix je'ets'a'an ti' le Noj A'almajt'aanil Noj lu'umil, k'axt'aano'ob Táanxel nojlu'umo'ob tu'ux ku táakpaja'an u Noj lu'umil Mexico yéetel uláak'o'ob áalmaj t'aano'ob yéetel u tsolbeelankilo'ob.

**Jatsts'íibil 46.TER.** U Nojlu'um Múuch'kabil P'iis óolal, yéetel le máax a'ala'an méen u Jo'olpóopil yaan u ts'áajik u nojochil U Molayil Táan óola'al Máasewal Máako'ob ( la Unidad de Atención a Personas Indígenas)

**Jatsts'íibil 46. Quater.** Utia'al u béeytal u ts'a'abal u jo'olpóopil ti' u Molayil Táan óola'al Máasewal Máako'ob ( la Unidad de Atención a Personas Indígenas), K'a'ana'an u chíimpoltik le ba'axo'ob jets'a'ano'ob je'ex bix tu beetaj le aj-Nu'ukbesaj yaano'ob ti' le peténo',beyxan k'abeet u kaj óoltiko'ob áantajil máasewal máako'ob, u k'aj óolmo'ob u meyajtsil máasewalo'ob yéetel ku t'aan junp'éel máasewal t'aan le yaano'ob ti' u Péetlu'umil Quintana Roo.

**Jatsts'íibil 46. Qinquies.** U nojbéeytalilo'ob yéetel u kuucho'ob u jo'olpóopil ts'a'abal u jo'olpóopil ti' u Molayil Táan óola'al Máasewal Máako'ob ( la Unidad de Atención a Personas Indígenas) le je'elo'oba':

1.Ku beet k'axmeyajil yéetel uláak' kúuchilo'ob utia'al u ts'a'abal áantajil yéetel ma'abo'olil tia'al u yáantajil u páajtalil máasewalo'ob, beyxan áantajil ti' je'eba'axak ku k'áata'al yéetel le aj- áantajnáalo'ob táankaaj yéetel le áantajnáalo'ob a'almajt'áano'obo', wáa k'abeetej yaan u ts'a'abal j—tsool t'aan wáa k'ext'aan.

II. Yaan u yila'alik ka ts'a'abak junp'éeel ma'alob áantajil técnica ti' máasewal máako'ob;

III. U ts'áabeeltik yéetel u p'iisik tuláakal le meyajo'ob ku ts'áaiko'ob le máako'ob ku meyajo'ob yaano'ob ti' le molayila' , yaan u ts'a'ako'ob ojéelbi' le tsolxikino'ob k'abeetil ka muuk'ankuunsa'ak le ba'alo'ob kun jets'ik ka béeychajak yéetel ka meyajnak, je'el bix u Belbest'aanil yéetel chan áanalte'il u meyaj;

IV. Ka Jets'meyajta'ak tuláakal belbest'aano'ob yéetel ch'a'at'aano'ob meenta'an méen u K, yo'olal u chuuntuukulilo'ob k'a'ana'an u yila'al tuméen le máako'ob ku meyajo'ob ti' u Molayil Táan óola'al Máasewal Máako'ob ( la Unidad de Atención a Personas Indígenas);

V. Yaan u xak'altik yéetel u ts'áajik ojéelbi' yo'olal u meyajo'ob ku beetiko'ob le x-áantajnáalo'ob yéetel aj- áantajnáalo'ob táan kaaj yéetel le áantajnáalo'ob a'almajt'áano'obo' yaanti'ob k'aj óolil yóok'lal máasewalo'ob, le kéen k'abeetchajak u beetik u meyaj, beyxan j –tsool t'aan yéetel le k'ext'aano'ob, yéetel ku beeto'ob je'elba'alake' ka ts'a'abak junp'éeel séeba'an áantajil yéetel ma'alob. ;

VI. Táak'muk'tiko'ob le Molayil tia'al ka yaanakti' le buka'aj k'abeetil le j –tsool t'aan yéetel le k'ext'aano'ob yéetel xan ka u beet ka'ansajil ka yaanak uláak' máako'ob ku beeto'ob xan le meyaja' tu'ux yaan máasewalo'ob ma' u jacha t'aanko'ob kastlan t'aan

VII. Táak'muk'tiko'ob yéetel bix kun bisbil u beeta'al k'axt'aanilo'ob yéetel uláak' molayilo'ob u páajtal u áantajlo'ob yéetel u táakpajlo'ob j –tsool t'aan yéetel le k'ext'aano'ob ti' u beelankilo'ob p'iis óolal, le u k'aj óolo'ob le aj- áantajnáalo'ob táan kaaj yéetel le áantajnáalo'ob a'almajt'áano'obo', bey tia'al ka beeta'ak ka kaansak ka'ap'éeel t'aano'ob ti' le aj- áantajnáalo'ob táan kaaj yéetel le áantajnáalo'ob a'almajt'áano'obo';

**VIII.** Táak'muk'tiko'ob ka beeta'ak junp'éeel xookil antropológicos yóok'alal meyajtsil yéetel u múuch' belbest'aano'ob máasewalo'ob ti' le ba'alo'ob k'abeetil áantik le máasewalo'ob;

IX. Táak'muk'tiko'ob ichil le x- áantajnáalo'ob yéetel aj- áantajnáalo'ob táan kaaj yéetel le áantajnáalo'ob a'almajt'áano'obo' ka jets'elnak le belbest'aano'ob Noj A'almajt'aanilo'ob; u a'almaj t'aanilo'ob táanxel nojlu'umo'ob, nojlu'umil México yéetel Péetlu'umil yo'olal u p'iis óolal máasewal yéetel uláak'o'ob ku áantiko'ob ka xuuluk le talamilo'ob, yéetel u tsikbe'enta'al u chi'ibalil je'elmáakal máak kaaj wáa máasewal kaaj;

X. Yaan u beeta'al yéetel u éejenil u jo'olpóopil, ka'anal tsolmeyajo'ob yéetel kaansajil yóok'lal u páajtalilo'ob máasewal máako'ob ti' le x- áantajnáalo'ob yéetel aj- áantajnáalo'ob táan kaaj yéetel le áantajnáalo'ob a'almaj t'aano'ob, beyxan ka'anal kaansajil yéetel ka'ap'éeel t'aanil;

XI. Múuch'bil tuláakal nu'ukbest'aano'ob yo'olal ba'alme'yajo'ob kaaja'ano'ob yaan u yilo'ob u Molayil Táan óola'al Máasewal Máako'ob ( la Unidad de Atención a Personas Indígenas) tu'ux k'abeet u yaantal u chíikulal le máako'ob yéetel u séeba'an ch'a'ajo'olta'al le ba'alme'yajo'ob jejeláas talamilo'ob tu'ux k'abeeto'ob le x- áantajnáalo'ob yéetel aj- áantajnáalo'ob táan kaaj yéetel le áantajnáalo'ob a'almaj t'aano'ob yaanti'ob k'aj óolal yóok'lal máasewalo'ob, wáa k'abeete' beyxan j –tsool t'aan yéetel le k'ext'aano'ob k'aj óolta'ano'ob, yo'olal u túumbenkunsa'ak le nuu'ukbesajal le ba'al yaan u yil yóok'lal le jejeláas talamil;

**XII.** Kaxan áantajil ti' le “Múuch'kabil jejeláas P'iis Óolal yo'osa'al yéetel u táak'inil ti' u Noj kúuchilil táak'in tia'al Ma'alobkuunsa'al le Tsolmeyajilo'ob yéetel Ts'a'abal P'iis óol, ka bo'ota'ak u bisa'al le no'oxt'aano'ob k'abeet ti' u áantaj máasewal máako'ob ma' ya'ab táak'inti'ob le ku áantajlo'ob ti' u talamilo'ob yéetel kaajakbalo'ob ti' le náach u táalo'ob;

**XVII.** P'iisil le meyajob beeta'an meen le x Áantajnáalo'ob táankaaj, aj Áantajnáalo'ob táankaaj yéetel áantajnáalo'ob a'almaj t'aan , beyxan ti' le tsool t'aano'ob yéetel k'eex t'aano'ob le keen táan óoltik le máasewal máako'ob, yéetel yaan u ts'áajik ojéelbi' ti' u Kúuchilil tojbe'embalil le ba'alo'ob ilabo'ob yéetel chíikbesajilo'ob ;

**XIV.** U jets'el múulmeyaj yéetel u Kúuchilil tojbe'embalil, yaan xan u jetsel yéetel u jo'opóopil , le ba'alo'ob le yaan u yilo'ob wáa jach k'abeet;

**XV.** K'aamil yéetel táan óolil le takpolilo'ob yéetel ts'áaj ojéelalo'ob beeta'an ti' le tsool t'aano'ob yéetel k'eex t'aano'ob , bey xan ti' le meyajnáalo'ob yaano'ob ti' le molay , le ba'alo'ob yaan u yilo'ob yéetel le meyaj ku beetiko'ob, ka u meent u kaxan áantajil k'abeetil tia'al ka beeta'ak, bey xan ka ts'a'abak ojéelbi ti' u Kúuchilil tojbe'embalil, le yaan u meentik je'ebix jets'a'an ti' le 11 jatsil IX ti' le A'almaj t'aan;

**XVI.** Tojtáantik le x Áantajnáalo'ob táankaaj, aj Áantajnáalo'ob táankaaj yéetel áantajnáalo'ob a'almaj t'aan , beyxan ti' le tsool t'aano'ob yéetel k'eex t'aano'ob, ti' le ba'alo'ob jach tatajki' wáa k'abeetil , tia'al ka beeta'ak le tsoolxikino'ob k'a'ana'anilo'ob;

**XVIII.** Páay t'aantaa'al ti' múuch'tsikbalil junjatsk'iino'ob tia'al ka xak'alta'al yóok'lal túuxtbil jets'a'ano'ob yéetel técnico, ti' le beelbest'aanilo'ob ts'a'an meen le Molayil;

**XVIII.** Ts'a'abaj k'aj óolalil tu táan le u Kúuchilil tojbe'embalil, junp'éeel chúuka'an tsool meyajob ti' tuláakal le meyajnáalo'ob yaano'ob ti' u Molayil Áantaj Máasewal Máako'ob, ichil le jo'op'éeel k'iino'ob ti' le óoxp'éeel wináalo'ob, ku ye'es bix yaanikil le Molayil yóok'lal u áantaj yéetel áantajil a'almajil ti' le máasewal máako'ob;

**XIX.** Yan u ts'a'abal ojéelbi' tu k'iinil ti' le u Kúuchilil tojbe'embalil, je'el máakalmáak ba'alo'ob ku yúuchul yóok'lal le meyaj ku beeta'al ti' u Molayil Áantaj Máasewal Máako'ob, yéetel

**XX.** Yéetel uláak' meyajob, kun ts'a'abal a beetej.

TRANSITORIOSO'OB

**Yáaxil** . Le Jets' Noj t'aano'oba' yaan u káajal u ch'a' óolta'alo'ob ti' yáax k'iinil enero ti' 2023, le kéen ts'a'abak ojéelbi' ti' le Péektsilt'aano'ob Jala'achile' ti'u Péetlu'umil Quintana Roo.

**Ka'ap'éel**. Yaan u meentbil ti' ma' máanal 180 u p'éelel k'iinilo'ob u káajal u ch'a' óolta'alo'ob le A'almaj t'aana', u Molayil Jo'olil Áantajil Máax Loobita'ano'ob ti' u Péetlu'umil Quintana Roo, u Múuch'táambalil tuláakal jejeláas P'íis óolalo'ob ti' u Nojpáajtalilo P'íis óolal ti' u Péetlu'umil Quintana Roo yéetel u Molayil Táan kaaj Áantajil ti' le Péetlu'umil, k'abeet u kéetel le ba'axo'ob tsool ti' le beelbest'aano'ob, a'almaj t'aano'ob yéetel ichil le molayil tia'al u chíimpolta'al le Jets' Noj t'aano'oba'

**Óoxp'éel** . U Nojpáajtalil P'íis Óolal ti'u Péetlu'umil Quintana Roo yaan u táakbesa'al junp'éel pa'ajo'olil pa'atuukulil xuuptáak'in tia'al u meyajil xak'alkaxanil 2023, u táak'inil k'abeetil tia'al u beeta'al le ba'alo'ob jets'a'an ti' le Jets' Noj t'aano'oba'.

JETS'NOJT'AAN P'ÉEEL: 242

TU'UX KU JELBESA'AL JEJELÁAS BEELBEST'AANO'OB TI'  
A'ALMAJT'AAN TI' MÁAX LOOBILTA'ANO'OB TI' U PÉETLU'UMIL QUINTANA ROO,  
TU'UX KU JELBESA'AL YÉETEL U LÁAK' JEJELÁAS BELBEST'AANO'OB  
TI' U A'ALMAJ T'AAN MOLAYIL TÁANKAAJ ÁANTAJIL TI' U  
PÉETLU'UMIL QUINTANA ROO, TIO'OLAL A'ALMAJ T'AAN  
ÁANTAJIL TI' MÁASEWAL MÁAKO'OB.

KÚUCHIL MÚUCH' MEYAJO'OB TI' LE TOJTSIKBE'ENIL NOJPÁAJTALIL  
ÁAMAJT'AANIL, TI' U KAAJIL CHETUMAL, U JO'OL PÉETLU'UMIL QUINTANA  
ROO. ÓOXP'ÉEL K'ÍIN TI' U WINÁALI' MAYO TI' U JA'ABIL 2022.

DIPUTADA PRESIDENTA

DIPUTADO SECRETARIO

L.A.E EUTERPE ALICIA GUTIÉRREZ VALASIS

C. LUIS FERNANDO CHAVEZ ZEPEDA